

SAN MARTIN Y LUNGIARÜ

Le Vësko Ivo Muser inviëia i credënc de dōta la Diozeja al **peregrinaje diozejan a Weißenstein** la sabeda, ai 30 de ma; al pëia ia deplü prozesciuns dai paisc incëria che s'abina ala Mëssa cun le vësko dales 15.00 a Weißenstein, plü avisa da

- dales 11.00 Uhr da Leifers, Haus Emmaus (ca. 3,5 ores)
- dales 13.00 Uhr da Deutschnofen, Bar „Luise“ (ca. 2 ores)
- dales 13.00 Uhr da Aldein „Gampen“ (ca. 1,30 ores)
- dales 13.00 Uhr da Lerch „Schlögler“ (ca. 1,30 ores)
- dales 14.00 Uhr da Petersberg dan „Steinmetzhof“ (ca. 1 ora)
- dales 14.15 Uhr dala 14. staziun dl tru da Laifers (20 menüc).

Düc i **ciantadus che va en Jeunn** é inviá da gní y daidé formé n cor por tó pert ala Mëssa ia en Jeunn. Al vëgn perié de gní a La Val, tl local di ciantadus, a chëstes dōes proes, en dedolōnesc ai 2 de jügn, y en lōnesc, ai 8 de jügn, dales 20.00.

La **Union dles porsones vëdues y sores** inviëia al peregrinaje al santuar Valcalda a Pieve de Cadore en jōbia ai 28 de ma. Anunziesse cina ai 25/05: 0474 590 069.

Al vëgn invié al de dla porta daverta tla scora mesana parificada „Maria Huber“ tl **Herz-Jesu-Institut a Mühlbach** en sabeda, ai 6 de jügn, dales 8.00 ales 11.00. Al vëgn fat workshops desvalis cun le motto dl ann „chirí y descurí talënc y i vire“. La presentaziun de contlujiun é dales 11.00 - 12.30.

SAN MARTIN

Dé di Seniors da San Martin y Antermëia en sabeda, ai 30 de ma a San Martin che mët man dales 10.00 cun n pinsier religiùs te dlijia, dedô spazirada por le tru de meditaziun cina jō dal lech de Vistles, dailó pice aperitif y griliada por düc. Cost 15 € a porsona. Prenotaziuns cina en domënia, 24 de ma: San Martin pro Alfred 333 36 54 786 Gotti 328 64 72 341 / Antermëia pro Maria 0474 520 107.

Peregrinaje a Riffian/Maran organisé dal KVV da San Martin en dedemesa-ledema, ai 3 de jügn. Prenotaziuns cina al 1 de jügn pro Hilda 0474 523 133.

LUNGIARÜ

Sciöche aconsié dala Diozeja tignunse en domënia, ai 31 de ma, la **domënia dles families**: Gran Mëssa cun y por les families, dedô aurela cōrta cun marëna tl pre de colonia sot al Pech (da bur tēmp tl salf dl païsc). Les families é bel inviades.

L'uniun dl **KVV da Lungiarü rengraziëia** dër bel chi che é gnüs a cumpré ciüf por la festa dla uma. Le davagn dl ann passé é jü por le medefüch sō Mirí y de chësc ann por le tēt dla dlijia da Lungiarü.

Invit al **concert dla Musiga** d'La Pli, 24/05, dales 20.30, tl salf uniuns d'La Pli.

Le Sorvisc ai Jogn chir **volontars da daidé pro la "Festa di mituns 2015"**, che sarà en dedolōnesc, ai 14 de messé dales 09.00 ales 17.00 o ince ma mez le dé. Chi che ess interes pó cherdé sō tl Sorvisc ai Jogn 0474 523 070 cina ai 5 de jügn. Orar d'ofize: dal lōnesc ala jōbia dales 08.00 - 12.00 y dales 13.00 - 17.00.

Invit al referat dl dotur Peter Mazzurana, sōn le **"Consum de alcohol y droga: informaziun, prevenziun y conseguënzes"**, a La Ila, Scora Mesana, en dedemesa-ledema, ai 27 de ma, dales 20.00. Te süa funziun de dotur tla Polizia ál trōpa esperiënza ince por les conseguënzes sōn le trafich motorisé.



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

24.05 - 31.05.2015 nr. 26

termo da publiché: jōbia 20.00
radio: 90,40 / 93,70



PASCA DE MA

Vangele: Jan 20,19-23

La sëra dl pröm dé dl'edema, canche i discepu i â, dala tēma dan dai iüdes, sarè pro les portes, él gnü Gejù, é jü amesa ëi ite y ti à dit: Pêsc a os!

²⁰Do chëstes parores ti àl mostrè sües mans y so costà.

Dailó se ralegrâ i discepu da odëi le Signur.

Gejù ti à ciamò n iade dit: Pêsc a os!

Sciöche le Pere m' à menè mè, insciö ves mēni iö os.


²²Do ch'al à albü dit chësc, ti àl fladè ados y ti à dit: Recioiede le Spirit Sant!

Zënza ch'ai s'al ess aspetada, vëgn Gejù ressorí dala porta sarada ite y impormët le Spirit Sant. Do le significat dl lingaz da laota â le Spirit impormetü da Gejù deplü formes y deplü faziuns: al é fle de vita, forza de vita, assistënt, armoiadú, consoladú, disturbadú.

Y ci ti dá pa impara Gejù ai discepu? Bele atira ti aodel la pesc, dui iadi, zënza ne cherdessi gnanca che Gejù é dailó dan da d'ëi. Al é dailó cun les mans y i pîsc traficjá cun düc i sëgns dla cruzifijiun. Al n'ascogn nia ia ci che é sozedü, mo mët i discepu dan dala verité.

Y te chësta situaziun plēna de ferides y de malsigurté, ti scinca Gejù a sü discepu y a nos süa pesc y so spirit.

Chëstes é les scincundes de Dî en chësta festa de Pasca de Ma te n monn en movimēt che á debojëgn de pesc y de Spirit Sant.



*la Dlijia tles tempestes
da imprōma insō*



	SAN MARTIN		LUNGIARÜ
24.05.15 PASCA DE MA	9.30 Mëssa solëna dla comunité 14.00 Bato de Peter Sorà 19.00 - 20.00 Ora d'adoraziun al Spirit Sant	24.05.15 Domënia	7.55 Pröma pert adoraziun 8.15 Gran Mëssa dla comunité dedô Secunda pert adoraziun 11.00 Bato de Lisa Rungger y Jan Castlunger 15.00 Corona tla Capela da Seres
25.05.15 LÖNESC DE PASCA DE MA <i>Beda, Gregor VII., Urban, Heinrich</i>	9.00 Ora d'adoraziun 9.30 Gran Mëssa <i>cun i confermá</i> en onù de Sant Ujöp Freinademetz aniv. Sciandro Trebo, Tasser + Pia Trebo + Cristina Conrater	25.05.15 Lönesc	7.55 Corona de ma 8.15 Gran Mëssa families de Monica Costa aniv. Gottfried Dapoz + Angela Costa Nagler
26.05.15 Dedolönesc <i>Filip Neri, Maria Anna</i>	19.30 Mëssa + Doro Verginer + Angel Moling + Maria Unterweger	26.05.15 Mertesc	7.30 Corona de ma
27.05.15 Dedemesaledema <i>Augustin da Canterbury, Bruno</i>	19.30 Corona de ma a Bioch 20.00 Corona de ma sö Mirí	27.05.15 Mercui	7.30 Mëssa + Emma Pezzei + + Tarejia y Vitoria Clara por les Animes
28.05.15 Jöbia <i>German, Gema, Wilhelm</i>	7.30 Mëssa di scholars + Linda Mühlmann + Helmut Dejaco + Paul y Frieda Vantsch Corona por vocaziuns	28.05.15 Jöbia	20.00 Corona de ma fora dala Grota
29.05.15 Vëndres <i>Sisinus, Martyrius, Alexander</i>	19.00 Adoraziun chîta 19.30 Corona de ma	29.05.15 Vëndres	7.30 Mëssa + + + Veronica, Anny y Valentino Schanung + Angela Costa + Iustina y Germano Moling
30.05.15 Sabeda	Peregrinaje dla Diozeja a Weißenstein: prozesciun da deplü perts adalerch y dales 15.00 Mëssa cun le vësko Ivo Muser		
30.05.15 Sabeda <i>beat Otto Neururer, Ferdinand</i>	10.00 Pinsier religios por i Seniors 15.30 Mëssa tla Ciasa de Palsa 18.00 Corona de ma 18.30 Mëssa prefestia en onú de Sant Ujöp Frëinademetz families Rungger, Mirí + Maria Pedevilla	30.05.15 Sabeda	20.00 Mëssa prefestia aniv. Rudi Moling + + Nazio y Tarejia Pezzei + + Milia y Franz Costa
31.05.15 FESTA DLA TRINITÉ	9.30 Gran Mëssa dla comunité <i>cun le cor di mituns</i> 19.30 Corona de ma sö Ju	31.05.15 Domënia	7.55 Corona de ma 8.15 Gran Mëssa cun y por les families 15.00 Corona tla Capela da Seres